

TREMENDO "DEBUT" DI LAS CHICAS TROPICALES



Seccion Hubentud den Movecion no por keda sin manda palabranan di pabien na e grupo musical hubenil cu e fin di aña cu ta tras di lomba, a debuta pa prome biaha, tre- ciendo ambiente di Pasco.

E grupo di hobennan aki a pone tremendo ambiente na Oranjestraat dia 31 di decem- ber atardi, cu un grupo di comerciante di e area aki a cende nan pagara.

Las Chicas Tropicales ta inte- gra pa 15 mucha muher, entre cantante y instrumentista, y algun mucha homber cu por a mira encarga cu e parti tec- nico di sonido.

Aproximadamente durante un aña y seis luna e hobenci- tonan aki a cuminsa entrena pa produci nan repertorio, tanto di canticanan nobo como esnan conoci caba, den e mundo di gaita Arubano.

Marion Maduro ta encarga cu e parti di instruccion, mien- tras cu e manager ta e mama di un di e integrantesnan. Por cierto, un di e muchanan muher aki ta bibando na Hu- landa, y nos seccion tin en- tendi cu el a bini Aruba na

december, specialmente pa participa den e grupo.

Nan a sa di pone un ambiente tremendo durante nan debut na fin di aña, y a gana e cura- zon y simpatia di e publico cu por a balia, canta, y goza cu nan musica.

Ta di spera cu e grupo aki lo sa di keda hunto y sigui nan entrenamiento, teniendo cuenta logicamente cu cada un di e hobennan aki ta studi-

ante y cu durante e aña nan tin cu saca tempo pa haci musica.

Las Chicas Tropicales ta un ehemplo mas di e talento hubenil cu tin na Aruba y cu nos hobennan por logra metanan hopi positivo den e camponan di musica, baile, arte, deporte, etc., y cu ta es- timulo y reconocimiento sola- mente nan mester pa sigui dilanti y desaroya otro proyectonan, ademas di estu- dio y trabao.